

## Sakspapir

| Saksnr | Utvalg        | Type | Dato       |
|--------|---------------|------|------------|
| 056/22 | Formannskapet | PS   | 02.06.2022 |
|        | Kommunestyret | PS   |            |

| Sakshandsamar     | Arkiv          | ArkivsakID |
|-------------------|----------------|------------|
| Bjørnar Fjellhaug | FE-004, TI-&14 | 22/523     |

### Godkjenning av årsrapport for 2021 - Austrheim kommune

#### Vedlegg:

Revisjonsmelding\_Austrheim\_2021\_2

Årsrapport 2021 - Austrheim kommune - endeleg utgåve 31.03.2022 - revidert 27.04.2022

#### Framlegg til vedtak:

*Austrheim kommunestyre godkjenner årsrapporten for 2021 for Austrheim kommune.*

#### Formannskapet - 056/22 - 02.06.2022

#### FS - behandling:

Kommunedirektør Bjørnar Fjellhaug orienterte om årsrapporten.

Ordførar Per Lerøy (Ap) stilte spørsmål ved talet på tilsette i kommunen, både samla tal sidan lønsutgifter er den største kostnaden for kommunen, og deltidstilsette sidan talet på tilsette (328) var noko høgare enn talet på årsverk (253,5) i 2021.

Om deltid sa kommunedirektør Fjellhaug at det er nokre som jobbar frivillig deltid, her kommenterte ordførar Lerøy at deltid er krevjande for kommunen sidan det gjev fleire tilsette, og at det kan bli veldig krevjande for tilsette som mellom anna får dårlegare pensjon enn om dei hadde jobba fullt. Lerøy la til at i det private næringslivet ville ein ikkje fått velja sjølv å jobba deltid, dette får ein berre om det er særlege grunnar.

Kommunalsjef helse og omsorg Monika Kvamme sa at det er ein del som ikkje vil jobba fullt på grunn av at det er helg og kveld inkludert i heiltidsstillingar.

Morten Sognnes (H) spurte om det er mogleg å tilby nytilsette ei gulrot på tre års subsidiert bustad, for å få folk til å busetja seg i kommunen.

Inger Lise Brekke (H) sa at subsidiert bustad bør vera del av utlysingar, for å få fleire søkarar.

Helge Dyrkolbotn (KrF) sa at dette har vore diskutert tidlegare, og at det då har vore semje om å laga eigne retningslinjer for dette med subsidiert bustad. Her svara kommunedirektør Fjellhaug at ein jobbar med dette, men den største utfordringa er at det er lite kommunale bustader, med tanke på

at det er ein del som kommunen etter lova skal tilby bustad. Fjellhaug sa at kommunen skal legga til rette det ein kan for å skaffa bustad, i tillegg til å be eigedomsselskapet jobba meir med dette.

Bjørn Inge Håland Dyrkolbotn (Sp) sa at det ikkje er nok å tilby bustader, det er også slik at alle som bur i kommunen må ta eit tak med inkludering av nytilflytta.

Helge Dyrkolbotn (KrF) sa at kommunen har hatt dette tilbodet tidlegare, men at fleire kommunale bustader er selde.

Morten Sognnes (H) ba om at kommunen var meir aktiv med å skaffa seg bustader, og sa at det tilfører kommunen meir om nokon flyttar til kommunen og bygdene, enn om desse husa vert leigde ut til arbeidspendlarar.

Kommunedirektør Bjørnar Fjellhaug sa at dette er ei sak ein vil jobba vidare med opp mot Austrheim kommunale eigedomsselskap, for å sikra fleire bustader.

Handsaming i formannskapet:

Samrøystes for kommunedirektørens framlegg til vedtak.

### **FS vedtak:**

Formannskapet tilrår: Austrheim kommunestyre godkjenner årsrapporten for 2021 for Austrheim kommune.

### **Saksopplysninger:**

#### **Bakgrunn**

Kommunedirektøren har også i år, gleda av å levere ein digital årsrapport. Årsrapporten finn du på følgjande lenkje: [Årsrapport 2021 \(framsikt.net\)](#)

Kommunedirektøren skal i medhald av Lov om kommuner og fylkeskommuner av 22.6.2018 nr. 83 §§14-6 og 14-7 sørge for at det skal for kvart kalenderår bli utarbeidd årsregnskap og årsrapport.

Kommunestyret skal vedta årsrekneskapen og årsrapport, etter innstilling frå formannskapet, jf. kommunelova §§ 142 og 14-3. Årsregnskapen skal handsamast samstundes med tilhøyrande årsmelding, jf. kommunelova § 14-3. Kontrollutvalet skal uttale seg til kommunestyret om årsrekneskapen og årsrapport før formannskapet innstiller til vedtak, jf. § 14-3.

Årsberetninga eller årsrapporten skal gjera greie for:

- a. forhold som er viktige for å vurdere den økonomiske utviklinga og stillinga, og om den økonomiske utviklinga og stillinga i vare tek den økonomiske handleevna over tid
- b. vesentlege beløpsmessige avvik mellom årsbudsjettet og årsregnskapet, og vesentlege avvik frå premissane til kommunestyret for bruken av løyvingane
- c. verksemda si måloppnåing og andre ikkje-økonomiske tilhøve som er av vesentleg avgjerd for kommunen eller innbyggjarane
- d. tiltak som er sett i verk og tiltak som er planlagd sett i verk for å sikre ein høg etisk standard
- e. den faktiske tilstanden når det gjeld kjønnslikestilling
- f. kva kommunen gjer for å oppfylle arbeidsgjevar si aktivitetsplikt etter likestillings-og

diskrimineringsloven § 26.

Årsrekneskapen skal vera klar innan 22. februar (jf. § 14-6), og årsrapporten seinast 31. mars (jf. § 14-7).

I 2020 leverte vi for første gong årsrapporten i nytt digitalt format. Kommunedirektøren er glad for at vi også i år leverer ein god årsrapport som gjev eit godt oversyn over tenestene, økonomien og produksjonen i 2021. Vi hadde sett fram til at 2021 skulle bli året der vi på nytt tok attende kvardagen, etter eit år prega av pandemi og ein annleis kvardag. Pandemien prega også store delar av 2021 og gjorde at vi måtte arbeide på ein annan måte, endra på tenestene og setje ein god del ting på vent.

Sjølv om året var prega av pandemi, syner årsrapporten at kommunen leverer gode tenester og har eit godt tenestenivå.

Vi vart formelt utmeldt frå ROBEK etter kommunestyret si godkjenning av årsrekneskapen for 2020 i august. Dette gav oss sjølvråderett og større handlingsrom. 2021 har vore eit krevjande økonomisk år, og ein ser at det også vil prega oss frametter. Dei økonomiske rammene vert ikkje større, og forventningane aukar likevel. Det medfører at vi må ha god kostnadskontroll og må over tid gjere noko i høve driftsnivået vårt og må ta det noko ned for å møte framtida.

Årsrapporten gjer greie for dei ulike tenesteområda, måloppnåing, resultat, utfordringar og viktige hendingar. Årsrapporten gjev også oversikt over dei krav som lova set til kva årsrapporten skal innehalde. I tillegg er det gjort greie for avvik mellom budsjett og rekneskap og eventuelle vesentlege avvik frå måloppnåing. Ein syner til årsrapporten for innhald og gjev ikkje att meir i saksutgreiinga.

Årsrapporten ligg også i pdf for dei som ynskjer å lese den slik, men i stor grad er framtida knytta til digitale løysingar og presentasjonar.

Kommunedirektøren vil rette ei stor takk til alle tilsette for for godt samarbeid og ekstraordinær innsats også i 2021. Takk også til ordførar og politikarar for godt samarbeid!

## **Revisjonsmelding 2021**

Revisjonsmeldinga frå revisjonen vert vedlagt årsrapport og årsrekneskapen for 2021. Kontrollutvalet vil handsama revisjonsmeldinga i møte 01. juni og sender uttalen sin vidare til formannskapet og kommunestyret i etterkant av handsaminga.

Revisjonsmeldinga er i år gjeven utan atterhald. Revisjonsmeldinga viser også til at årsmeldinga innheld dei opplysningane som skal vere med etter gjeldande lovkrav og at opplysningane om økonomi i årsmeldinga stemmer overeins med årsrekneskapen.

Det er gjeve ei presisering i revisjonsmeldinga som gjeld minimumsavdrag. Kommunedirektøren meiner at dette ikkje var vesentleg og har heller ikkje gjort greie for det. Kommunen hadde god likvidet og såg ikkje at det var naudsynt å ta opp lån før i 2022. Ein tek til etterretning at dette skulle vore gjort og vil følgje dette vidare.

Årsrapporten er levert i tide og har med dei vesentlege punkta og er etter lova. Det er peika på at årsrekneskapen var levert etter frist og at endringane/justeringane ikkje kom inn slik at revisor måtte levere negativ revisjonsmelding. Ein var samd i at det som var etterspurd skulle leverast og at det var

meir føremålstenleg å levere eit godt og rett rekneskap utan atterhald, enn ein rekneskap med mange atterhald. Revisjonmeldinga syner at rekneskapen og årsrapport er etter lov og føresegn og gjeve utan atterhald.

Det har vore gjort eit godt arbeid med leveringa av årsrekneskap og årsrapport og ein har teke til følgje dei merknader som var påpeika i revisjonmeldinga for 2020.

Årsrekneskapen vert gjort greie for i eiga sak.

### **Vurdering**

Kommunedirektøren legg fram digital årsrapport for 2021 med vedlegg til godkjenning for kommunestyret. Årsrekneskapen for 2021 vert lagt fram i eiga sak.

### **Kommunedirektøren sitt framlegg til vedtak:**

*Austrheim kommunestyre godkjenner årsrapporten for 2021 for Austrheim kommune.*